

Արիեստաւորը ոչինչ չխօսեց: Տէր հայրը մօտեցաւ եւ, ինձ տեսնելով, ամենեւին ծանօթութիւն չտոեց, չնայելով, որ անցեալ գիշերը Ասլանի հետ նրա տանն էիւք: Նա ողջունեց եւ նստեց մեզ մօտ: Երեցփոխանը եւ թաղական խորհրդի անդամը իսկոյն վեր կացան եւ հեռացան, որպէս ժանտախտից: Արիեստաւորը մնաց: Տէր հայրը նրա առողջութիւնը հարցնելուց յետոյ դարձաւ դէպի ինձ:

– Դուք, երեւի, օտար երկրից էք, պարոն:

– Այո՛, այն եւրոպացի բժշկի թարգմանն եմ, – պատասխանեցի ես: – Տանը ծանօթացայ, եկայ այստեղ մի փոքր զովանալու:

– Լաւ էք արեւ, որդի, մեր վանեցոց զտարճութիւնները կը տեսնէք եւ նրանց կեանքի հետ կը ծանօթանաք:

Արիեստաւորը իր ընդհատած նկատողութիւնները շարունակեց:

– Պետք է Պոլսում տեսնել այդ մարդկանց եւ այնտեղ ծանօթանալ վանեցու կեանքի հետ: Տեսնո՞ւմ էք, այստեղ այսպէս զուգոած, զարդարած, անհոգ ման եւ գալիս, զտարճանում եւ, կարծես բախտից այլեւս ոչինչ պահանջելիք չունեն, ամէն բարիքներով լի են: Բայց Պոլսում կը տեսնէք դրանց կեղտի մէջ կորած, պատառոտած հագուստներով, քաղցած, անգործ թափառում եւ, շատ անգամ մուրացկանութիւն եւ անում: Հենց որ մի պարապմունք կը գտնեն եւ այնքան փող կը վաստակեն, որ նրանով կարող լինեն ծովը անցնել եւ մի քանի ամիս իրանց տներում ապրել, տեսար, իսկոյն մի ձեռք նոր հագուստ կը գնեն եւ ճանապարհ կը նկնեն: Տանը նրանք անձնատուր են լինում վերին աստիճանի շռայլութեան, բոլորովին մոռանալով, թէ որքան դժարութեամբ են վաստակել բերած փողերը: Շատերը տարիներով Պոլսում ընկած են, որովհետեւ ծովը անցնելու փող չեն գտնում: Պետք է շնորհակալ լինել, որ այդ օրհնեալ ծովը մեծ ծառայութիւն է անում մեզ: Եթէ նա մէջտեղում չլիներ, բոլոր վանեցիք Պոլսում կը լինէին: Ցամաքը նրանք կարող են ոտքով անցնել, բայց ծովը անցնելու համար պետք է փող վճարել, իսկ այդ փողը գտնելը հեշտ չէ վանեցու համար: Նա պետք է ամէն ինչ գրաւ դնէ, որ իրան պետք եղած փողը տան:

– Միթե՞ Պոլսում այդ շռայլութիւնները չեն անում, – նկատեց տեր հայրը: – Այնտեղ էլ այդպէս են:

– Այո՛, այդպէս են: Շատերը մոռանում են հայրենական տուն, տեղ, ընտանիք եւ մինչեւ մահ մնում են այնտեղ: Այդ թշուառների կեանքը ակելի ցաւակցութեան արժանի է: Օրերով, ամիսներով կաշխատեն, հենց որ մի քանի դուրուշ ձեռք ձգեցին, բոլորը մի օրոյ մէջ կը վատնեն: Այդ օրերում անկա-